



Agencija za bankarstvo Federacije Bosne i Hercegovine, objavljuje

JAVNI OGLAS za prijem radnika u radni odnos na neodređeno vrijeme

Raspisuje se javni oglas za prijem radnika u radni odnos na radno mjesto:

Stručni saradnik - kontrolor, Odjel za nadzor poslovanja banaka, Sektor za nadzor poslovanja banaka, 2 (dva) izvršioca, na neodređeno vrijeme, sa probnim radom u trajanju od 6 mjeseci.

I OPIS POSLOVA

Opis primarnih obaveza i odgovornosti poslova radnog mjesta Stručni saradnik - kontrolor, Odjel za nadzor poslovanja banaka, Sektor za nadzor poslovanja banaka, su:

- a) učestvuje u posrednoj i neposrednoj kontroli banaka i, što uključuje učestvovanje u kontroli propisanih izvještaja koje su banke dužne dostavljati Agenciji, analizi propisanih izvještaja banaka, pripremi kontrole poslovanja banaka, izradi zapisnika o obavljenim kontrolama, pripremi prijedloga po prigovorima banke na zapisnika;
- b) učestvovanje u provođenju postupaka supervizorskog pregleda i ocjene banke (SREP);
- c) učestvovanje u procesu ocjene internih procesa procjene adekvatnosti kapitala (ICAAP) i ocjene interni procjena adekvatnosti likvidnosti (ILAAP);
- d) osiguravanje tačnosti izvještajnih podataka pojedinačnih banaka u informacionom sistemu Agencije, koji su potrebni za postupak supervizije, kao i sačinjavanje informacija i analiza o stanju u bankarskom sektoru;
- e) analizira izvještaje banaka i na osnovu istih identifikuje probleme u bankama, te daje prijedloge njihovog rješenja;
- f) učestvovanje na izradi akata prilikom saradnje sa supervizorima drugih zemalja, a u vezi supervizije banaka koje imaju svoje supsidijare u Federaciji BiH;
- g) obavlja i druge poslove po nalogu voditelja tima i rukovodioca Odjela.

II USLOVI ZA RADNO MJESTO

Pored općih uslova propisanih Zakonom o radu FBiH, kandidati moraju ispunjavati i posebne uslove za zasnivanje radnog odnosa, i to: VII stepen stručne spreme ekonomskog smjera, odnosno visoko obrazovanje Bolonjskog sistema studiranja koje se vrednuje sa 240 ECTS bodova, 2 godine radnog iskustva na istim ili sličnim poslovima, posebna znanja iz oblasti kontrole banaka ili bankarstva, aktivno znanje engleskog jezika, poznavanje rada na računaru.

III POTREBNI DOKUMENTI

Kandidati su dužni uz potpisanu prijavu i biografiju sa kontakt podacima, dostaviti ovjerene kopije sljedeće dokumentacije:

- diploma o završenom odgovarajućem obrazovanju,

- dokaz o radnom iskustvu, sa opisom poslova koje kandidat obavlja/ je obavljao kod poslodavca/poslodavaca.

Kandidat koji bude primljen na radno mjesto, prije zasnivanja radnog odnosa dužan će biti dostaviti dokumente potrebne za zasnivanje radnog odnosa u skladu sa internim aktima Agencije, uključujući i ljekarsko uvjerenje o općoj zdravstvenoj/radnoj sposobnosti.

IV NAČIN DOSTAVLJANJA PRIJAVE

Prijava na konkurs sa traženom dokumentacijom može se dostaviti na adresu Agencije za bankarstvo Federacije BiH, ul. Zmaja od Bosne 47 b, 71000 Sarajevo, sa naznakom: „Stručni saradnik - kontrolor, Odjel za nadzor poslovanja banaka, Sektor za nadzor poslovanja banaka - ne otvarati“.

Dostavljena dokumentacija se neće vraćati.

V OSTALE NAPOMENE

Kandidati koji ispunjavaju opće i posebne uslove tražene javnim oglasom biti će pozvani na pismeni ispit, a kandidati koji polože pismeni ispit, te uđu u uži izbor, biti će pozvani na usmeni ispit.

Neuredne, nepotpune i neblagovremene prijave se neće uzeti u razmatranje u skladu sa Uredbom o postupku prijema u radni odnos u javnom sektoru u Federaciji Bosne i Hercegovine („Službene novine Federacije BiH“ broj 13/19, 9/21 i 53/21).

Konkurs ostaje otvoren 15 dana od dana objavljivanja

